

2- 9. Улар Аллоҳни ва иймон келтирганларни алдамоқчи бўларлар

22:52 / 16.05.2017 3539

مَيِّخِرًا لِّمُخِّرٍ لِّلَّهِ لِمَسَبٍ

نُورُغَشَيِّ اَمِّو مُمَسُفَنَّا اَلِ نُوغَدُخَيِّ اَمِّو اُونَمَّ اَنِي دَّوَّ اَوَّ لِّلَّ نُوغَدَاخَيِّ

Бақара 9. **Улар Аллоҳни ва иймон келтирганларни алдамоқчи бўларлар. Ҳолбуки, сезмаган ҳолларида фақат ўзларини алдарлар.**

Яъни мунофиқлар қалбларида иймон бўлмаса ҳам, ёлғон даъво ила Аллоҳни ва мўминларни алдамоқчи бўладилар. Лекин бундан кимга фойда, кимга зарар? Зарар ўзларига-ку. Демак, улар сезмаган ҳолда ўзларини ўзлари алдамоқдалар. Чунки Аллоҳ субҳанаҳу ва таоло ҳамма нарсани билиб турувчи Зотдир, Уни алдаб бўлмайди. Мўминларнинг ҳимоясини эса Аллоҳ таоло Ўз зиммасига олган. Шунинг учун ҳам ушбу оятда «Аллоҳни ва иймон келтирганларни», деб уларни Ўзи билан бир сафга қўймоқда.

Демак, мўмин-мусулмонларга душманлик Аллоҳга душманлик билан баробардир.